

## IZVJEŠTAJ SASE (SEPTEMBAR 2010)

U septembru 2010. godine na Sarajevskoj berzi-burzi ostvaren je ukupan promet od 8.041.880,28 KM, što čini 45,05% od ukupnog prometa koji je ostvaren na BH berzama. U sklopu 1.386 transakcija prometovano je 4.354.647 vrijednosnih papira.

## EKONOMIJA

Industrijska proizvodnja u Federaciji Bosne i Hercegovine u mjesecu augustu/kolovozu 2010. godine u odnosu na prosječnu mjesečnu proizvodnju iz 2005. godine veća je za 31,4%, a u odnosu na prosječnu mjesečnu proizvodnju iz 2009. godine veća je za 4,0%, u odnosu na proizvodnju iz istog mjeseca prošle godine veća je za 0,9%, dok je u odnosu na juli/srpanj ove godine veća za 0,6%.

Federacija BiH je u periodu I-VII 2010. ostvarila izvoz u ukupnoj vrijednosti 2,6 milijardi KM, što je za 29,0% više u odnosu na isti period prethodne godine. Procenat pokrivenosti uvoza izvozom Federacije BiH za period I-VII 2010. je 53,8% i viši je za 9,8% u odnosu na isti period prethodne godine kada je pokrivenost iznosila 44,0%, odnosno manji za 0,8% u odnosu na period I-VI 2010., kada je pokrivenost iznosila 54,6%.

U periodu I-VII 2010. najviše se izvezilo u: Njemačku 491 milion KM ili 18,5% ukupnog izvoza, Hrvatsku 422 miliona KM ili 15,9% i Italiju 328 miliona KM ili 12,4% ukupnog izvoza. Izvoz u sve ostale zemlje iznosi 1.4 milijarde KM ili 53,2% ukupnog izvoza. U istom periodu najviše se uvezilo iz: Hrvatske 916 miliona KM ili 18,6% ukupnog uvoza, Njemačke 612 miliona KM ili 12,4% i Italije 469 miliona KM ili 9,5% ukupnog uvoza. Uvoz iz svih ostalih zemalja iznosi 2,9 milijardi KM ili 59,5% ukupnog uvoza. Trgovinski deficit Federacije BiH za period I-VII 2010. iznosi 2,2 milijardi KM.

Učešće Federacije BiH u ukupnom izvozu Bosne i Hercegovine za period I-VII 2010. je 66,0%, a u ukupnom uvozu 66,0%. Najveća vrijednost izvoza u periodu I-VII 2010. ostvarena je u području O "Prerađivačka industrija" u vrijednosti 2,4 milijardi KM, što iznosi 91,8% ukupnog izvoza. Najveća vrijednost u uvozu 4,3 milijardi KM ostvarena je u području O "Prerađivačka industrija", što iznosi 87,5% ukupnog uvoza.

Ukupan broj zaposlenih prema kadrovskoj evidenciji u mjesecu julu/srpnju 2010. godine na području Federacije BiH je 423.735 osoba, što predstavlja smanjenja broja zaposlenih za 0,03% u odnosu na juni 2010.godine. U poređenju sa godišnjim prosjekom broja zaposlenih u 2009. godini na području Federacije BiH došlo je do smanjenja broja zaposlenih za 0,7%. Krajem jula 2010.godine u Federaciji Bosne i Hercegovine na evidencijama službi za zapošljavanje bilo je 361.654 nezaposlenih osoba, što predstavlja povećanje za 3873 osobe ili 1,1 % u odnosu na juni 2010.godine.

Prosječna mjesečna isplaćena neto plaća po zaposlenom za juli 2010. godine u Federaciji Bosne i Hercegovine iznosi 804,15 KM.

Prosječna mjesečna isplaćena bruto plaća po zaposlenom za juli 2010. godine u Federaciji Bosne i Hercegovine iznosi 1.222,08 KM,

Osnovni pokazatelji	2006	2007	2008
Nominalni BDP (u mil. KM)	19.121	21.647	24.717
Nominalna stopa rasta (%)	13,0%	13,2%*	13,6%
Realna stopa rasta (%)	6,9%	6,0%*	5,4%
Stanovništvo (procjena, 000)	3.843	3.842	3.841
BDP per capita (KM)	4.976	5.634	6.435
Broj nezaposlenih (000)	516	527	493
Prosječne plate u BiH (KM)	575	645	752
CPI (Indeks potroš. cijena)	6,1%	1,5%	7,4%
Vanjski javni dug	21,2%	17,9%	16,7%
Izvoz (u mil. KM)	7.058	7.991	9.101
(stopa rasta)	26,3%	13,2%	13,9%
Uvoz (u mil. KM)	12.672	14.957	17.449
(stopa rasta)	1,6%	18,0%	16,7%
Trgovinski bilans (% BDP-a)	-29,4%	-32,2%	-33,8%
Prosj. kurs BAM/EUR	1,95583	1,95583	1,95583

Izvor: Direkcija za ekonomsko planiranje  
\*procjena DEP-a

**SASE**

Na Kotaciji kompanija je ostvaren promet u iznosu od 485.347,27 KM ili 6,07% od ukupno ostvarenog redovnog prometa. Na ovom segmentu tržišta prometovano je ukupno 33.321 dionica. Najveći promet na Kotaciji kompanija ostvaren je dionicama emitenta "Bosnalijek" d.d. Sarajevo u iznosu od 472.154,27 KM, uz mjesečni pad kursa od 2,48%. Na drugom mjestu po prometu nalazi se emitent "Sarajevo osiguranje" d.d. Sarajevo sa ostvarenim prometom od 13.193,00 KM i padom vrijednosti dionica od 8,62%. Dionicama emitenta "Klas" d.d. Sarajevo, nije bilo zaključenih transakcija u septembru 2010. godine.

Na Kotaciji fondova, promet ostvaren u septembru iznosio je 814.055,69 KM ili 10,19% od ukupno ostvarenog redovnog prometa. Najveći promet na Kotaciji fondova ostvaren je dionicama emitenta ZIF "Prof Plus" d.d. Sarajevo u iznosu od 350.048,38 KM, uz mjesečni porast kursa od 9,72%. Na drugom mjestu po prometu nalazi se emitent ZIF "Naprijed" d.d. Sarajevo sa ostvarenim prometom od 128.150,23 KM i padom vrijednosti dionica od 1,03%. Dionicama emitenta ZIF "Fortuna fond" d.d. Bihać, koje su u septembru doživjele pad vrijednosti od 2,50%, trgovano je u obimu od 101.696,40 KM. Na ovom segmentu tržišta prometovano je ukupno 204.991 dionica.

Na Kotaciji obveznica, promet ostvaren u septembru iznosio je 1.600.172,52 KM ili 20,02% od ukupno ostvarenog redovnog prometa; od toga se obveznicama ratnih potraživanja Federacije BiH trgovano u iznosu od 801.207,29 KM, dok je sa obveznicama stare devizne štednje FBiH, ostvaren ukupan promet u iznosu od 798.965,23 KM. Na ovom segmentu tržišta u sklopu 326 transakcija prometovano je 3.356.192 obveznice.

Promet na Primarnom slobodnom tržištu iznosio je 4.084.073,69 KM ili 51,10% od ukupno ostvarenog redovnog prometa. Najveći promet na Primarnom slobodnom tržištu u septembru ostvaren je sa dionicama emitenta "Vispak" d.d. Visoko u iznosu od 2.630.026,00 KM. Na drugom mjestu po ostvarenom prometu nalazi se emitent "BH Telecom" d.d. Sarajevo sa iznosom od 536.747,84 KM. Treće i četvrto mjesto zauzimaju "Fabrika duhana Sarajevo" d.d. Sarajevo sa prometom od 397.577,77 KM, te JP "Elektroprivreda BiH" d.d. Sarajevo sa ostvarenim prometom u iznosu od 211.226,42 KM. Veliko interesovanje investitora vladalo je i za dionicama emitenta "Energoinvest" d.d. Sarajevo, čijim se dionicama trgovano u iznosu od 76.450,65 KM.



Promet na Sekundarnom slobodnom tržištu iznosio je 1.008.095,97 KM ili 12,61% od ukupno ostvarenog redovnog prometa. Najveći promet na Sekundarnom slobodnom tržištu u septembru ostvaren je sa dionicama emitenta "Plin Sarajevo" d.d. Sarajevo u iznosu od 523.050,00 KM. Na drugom mjestu po ostvarenom prometu nalazi se emitent DC "Tešanj" Kraševu d.d. sa iznosom od 102.321,00 KM. Treće i četvrto mjesto zauzimaju "Siporex" d.d. Tuzla sa prometom od 82.491,75 KM, te "Fad" d.d. Jelah sa ostvarenim prometom u iznosu od 72.504,00 KM. Interesovanje investitora vladalo je i za dionicama emitenta "Bihačka Pivovara" d.d. Bihać, čijim se dionicama trgovano u iznosu od 47.157,50 KM.

U mjesecu septembru na Tržištu za emitente u stečaju nije bilo zaključenih transakcija.




U septembru 2010. godine na Sarajevskoj berzi -burzi bilo je prijavljeno 11 vanberzanskih transakcija u ukupnoj vrijednosti od 50.135,14 KM.

Kod indeksa investicijskih fondova BIFX-a, u mjesecu septembru, zabilježen je porast vrijednosti od 2,02%. Porast je zabilježen i kod glavnog indeksa Sarajevske berze-burze – SASX-10, čija je vrijednost porasla za 0,25% u odnosu na prethodni mjesec. Vrijednost indeksa Primarnog Slobodnog tržišta SASX-30 je zabilježila pad od 0,78% u odnosu na prethodni mjesec.

SEPTEMBAR 2010	
Br. uvrštenih emitenata	528
Zvanična kotacija	3
Kotacija fondova	11
Primarno slobodno tržište	30
Sekundarno slobodno tržište	455
Emitenti u stečaju	29
Novo-uvršteni emitenti	7
Obustava prometa	14

**STRUKTURA INVESTITORA****Promet po danima**

Indeksi SASE	31.08.2010	30.09.2010.	%
<b>BIFX</b>	1.442,41	1.471,58	2,02%
<b>SASX-10</b>	892,04	894,31	0,25%
<b>SASX-30</b>	947,44	940,04	-0,78%

**SASX-10**

**BIFX**

**SASX-30**

**TOP DESET EMITENATA (SEPTEMBAR 2010)**

rb	Emitent	Promet u periodu (KM)	Broj VP	Broj transakcija	Posljednja cijena prethodnog perioda	Posljednja cijena perioda	Promjena
1	Vispak dd Visoko	2.630.026,00	375.718	10	7,00	7,00	0,00%
2	BH Telecom d.d. Sarajevo	536.747,84	28.698	214	19,77	18,95	-4,15%
3	Plin Sarajevo d.d. Sarajevo	523.050,00	52.305	49	9,50	10,00	5,26%
4	Bosnalijek d.d. Sarajevo	472.154,27	31.352	136	15,31	14,93	-2,48%
5	Fabrika duhana Sarajevo dd Sarajevo	397.577,77	5.523	126	74,45	70,00	-5,98%
6	ZIF Prof Plus dd Sarajevo	350.048,38	89.010	21	3,60	3,95	9,72%
7	FBiH stara devizna štednja serija F	255.727,53	315.713	2	78,00	81,00	3,85%
8	FBiH obveznice ratna potraživanja ser. A	217.083,27	580.030	36	34,10	39,52	15,89%
9	JP Elektroprivreda BIH dd Sarajevo	211.226,42	8.030	52	28,00	25,98	-7,21%
10	FBiH obveznice ratna potraživanja ser. B	166.252,75	487.080	36	31,14	35,35	13,52%

**BIZNIS VIJESTI**

Hypo Alpe-Adria-Bank povećala kapital za 50 miliona KM

Prva licitacija za prodaju Inpek dd Zenica neuspješno okončana

Predstavnici sindikata Feroelektro dd predstavili revizorski izvješta: za šest godina poslovanja ostvaren gubitak od 11 miliona KM

BBI Bank ostvarila gubitak od 3,6 miliona KM u prvih 6 mjeseci

NLB Razvojna banka Banja Luka u prvih šest mjeseci 2010. godine poslovala je sa 5,5 miliona KM bruto dobiti

Zenička kompanija Metalno dd nastavlja uspješno poslovanje: Za narednu godinu ugovoreni poslovi od osam miliona eura

Triglav BH Osiguranje ostvarilo bruto dobit od 1.582.606,30 KM

Centrotans Eurolines realizovao novu investiciju: 1,5 miliona KM za 8 novih autobusa

NLB Tuzlanska banka ostvarila dobit od 156.000 KM u prvih 6 mjeseci 2010. godine

Cementara Kakanj ostvarila dobit od 12,4 miliona KM u prvih 6 mjeseci 2010. godine

BH Telecom i BH Pošta otvaraju nove poslovne zgrade: investicija vrijedna više 12 miliona KM

PBS ostvarila dobit od 167.000 KM u prvom polugodištu 2010. godine

Bobar banka Bijeljina ostvarila dobit od 5,6 miliona u prvoj polovini 2010. godine, aktiva iznosila 210 miliona KM

Profit RMU Banovići veći od milion KM u prvih 6 mjeseci

**Nova investicija Elektroprivrede BiH**

U Sarajevu je potpisan ugovor između Javnog preduzeća Elektroprivreda BiH i konzorcija domaćih kompanija Malcom-Umel Deling, o rekonstrukciji i izgradnji 391 elektrodistributivnog objekta, na području svih pet ED podružnica: Bihać, Mostar, Sarajevo, Tuzla i Zenica, ukupne vrijednosti 54.549.362 KM.

Kako je rečeno na konferenciji za novinare, radi se o najvećem pojedinačnom poslijeratnom ugovoru između Elektroprivrede i ovog konzorcija, koji će se realizovati u naredne tri godine, po sistemu "ključ u ruke", a očekivani efekti su izgradnja 140 km novih distributivnih vodova i niskonaponske mreže, zatim rekonstrukcija oko 600 km postojećih vodova, te izgradnja novih transformatorskih stanica 10(20)/0,4 kV čime će se povećati instalirani kapaciteti u ovim objektima za više od 20 MVA.

**Počinje izgradnja prve vjetroelektrane u BiH**

Izgradnja vjetroelektrane Mesihovina početak će upriličiti 29. septembra u Mrkodolu, kod Tomislavgrada. Vrijednost investicije je 78 miliona eura, a prvi proizvedeni kWh očekuju se 2013. godine.

Kako je saopšteno iz Elektroprivrede Hrvatske zajednice Herceg-Bosna, VE Mesihovina prva je vjetroelektrana u sistemu Elektroprivrede HZHB, i u Bosni i Hercegovini, čiju izgradnju započinje to bh. preduzeće.

Sa 22 vjetroturbine ukupne instalirane snage od 44-66 MW, godišnja proizvodnja električne energije bit će između 128 i 146 GWh, stoji u saopštenju EP HZHB.

**Uskoro reorganizacija HT Mostar**

Nadzorni odbor Hrvatskih telekomunikacija Mostar prihvatio je na sjednici koncept reorganizacije kompanije, iako je Ministarstvo saobraćaja i komunikacija FBiH zabranilo njegovo usvajanje.

"Nadzorni odbor je dao zeleno svjetlo za ovu reorganizaciju i odluka će nakon dodatnih konsultacija stupiti na snagu 1. novembra ove godine", rekao je predsjednik Nadzornog odbora Žarko Pužić, dodajući kako su pola sata prije sjednice pismeno dobili obavezujući stav Ministarstva saobraćaja i komunikacija. Sindikat HT-a Mostar više puta je saopštio kako bi predloženom reorganizacijom kompanije najvažniji resori došli u nadležnost manjinskog vlasnika, zagrebačkog THT-a, čime bi FBiH izgubila mogućnost upravljanja kompanijom.